




增補元明史略

リ 8  
5855  
1



門 3  
號 5855  
卷 1

芝山後藤先生編次  
清溪山本先生增補

子墨必究  
不許翻刻

增補 元明史略

皇都 五車樓發行

增補元明史略叙



余住年員笈於京師也游  
巖龍溪先生之門而始相  
見欽若藤君時君仕于右  
府郁芳藤公為大夫為人  
溫藉欽尚古道每以官暇



增補元明史略

黜勉斯文翰墨之交。日親  
一日。先生嘗補正曾氏十  
八史畧。余與君同校焉。續  
覽後藤氏元明史略大綱。  
雖可觀。而稍過刪畧。不能  
無憾焉。君乃始有增補之

志。而事務鞅掌。未遑握筆。  
及公薨。君乃致仕。而公自  
號清溪散人。飄然東遊。下  
帷江戶赤羽橋邊。講習之  
餘。得縱思筆研。於是補訂  
此編。竟克濟其志。今茲初

夏會余從我侯在于江戶。君袖此書來示余且請弁一言。余欣然閱之則約而不失簡而有要可謂詳略得其宜矣。勤素之辭藻然交誼不可辭也。因聊記其

本末以應其需云。

享和癸亥季夏

赤穗儒負源勤撰



元明史畧序

古者無經史之分，澤靈之書。

其文即史，主義即經，自就。

門之作，體裁叙主而經史隨。

岐矣，革命之代，各修前史，宏大。

元中...  
曼羨情古之業，乃迷津編  
年之體，蓋於此年起焉。余  
嘗以為史猶材，經如規矩，操  
觚之士，或略經義，蓋忽近史  
斐然不立，所以裁之凍水。

新安之編，可謂得在社友  
孫守中之舉，其省之  
於此也乎。

寶曆改元，年未臘月  
水滂彰考館編修總裁

南江越克敏攬



一日獲明舒弘諤所著古今全史者讀之其書趙宋以前與曾氏十八史略大抵相似其體裁雖不同若其事實則大同小異至元明二史之略則曾氏之書又所未有也余嘗欲錄其元以後授讀十八史畧者使之備覽古今然舒氏之書過畧於元獨存名號歲月廼所載者不過文謝二子節義武宗贈大成順帝淫荒等若干事洪武以後稍詳然僅止於泰昌新政顧在初學猶不能無憾焉故竊取薛氏通鑑袁氏綱鑑十九史略及明史紀事明季遺聞名山藏等書於元則補其過畧者於明則校訂其同異且畧載天啟





之量委任賢相耶律楚材庶民樂業時稱治平約宋滅金

國勢愈昌焉在位十三年殂楚材字晉卿遼東丹王突欲也為元中書令及卒追封康寧王諡文正太子既殂

定宗貴由立三年殂從弟憲宗蒙哥立剛明雄略沈斷寡

言不樂飲宴不好侈靡善用兵南征至釣魚山而殂憲宗

之子太祖之孫也定宗既殂皇后海迷失拖太祖第四子曲出之子失烈門聽政諸王大臣皆不服後二年大臣

共議推太宗弟拖雷為帝廟號睿宗失烈門及諸弟心不能

取主謀者誅之政始歸在位九年弟忽必烈立是為

世祖仁明英睿事母至孝以至元十六年平宋天下為一

母曰莊獻太后性烈氏○憲宗既殂世祖南征在鄂州聞

社為君輕  
稷為重

正氣歌

大臣同勸進遜即位建元中統至元元年入都于燕八年建國號曰大元○至元十六年擒宋

丞相文天祥北去天祥痛恨不食八日猶生丞相孛羅曰

見天祥長揖不屈孛羅曰德祐幼君非爾君耶棄嗣而立

二王忠乎天祥曰德祐吾君也不幸失國當此之時社稷

為重君為輕二王之立所以為宗廟社稷計孛羅曰汝立

二王做得甚事天祥曰國家不幸喪亡吾立君以存宗廟

存一日則盡一日臣子之責人臣事君如子事父母父母

有疾雖甚不可為豈有不下藥之理盡吾心焉不可為則

天命也今日天祥至此有死而已何必多言孛羅怒命囚

于獄作正氣歌曰天地有正氣雜然賦流形下則為河瀆

上則為日星於人曰浩然沛乎塞蒼溟皇路當清夷含和

吐朝廷時窮節乃見一一垂丹青在齊太史簡左傳齊太史書崔杼

君崔子殺之其弟嗣書而死者二人其弟又書乃在晉

董狐筆左傳趙穿弑晉靈公董狐書曰趙盾弑其君孔子曰董狐古之良史也書法不隱在秦張

良椎秦始皇東遊至博浪沙中張良為韓報在漢蘧武節

漢蘇武使匈奴單于欲降之武不屈乃幽武北海為嚴將

軍頭嚴顏為劉璋守江州張飛破之顏被獲飛喝之曰何

將軍為私侍中皆潰散紿以身捍御筆飛矢雨集遂遇

帝曰此私侍中血勿去之為張睢陽齒唐安祿山及張巡

而死尹子奇以刃刺其胸兩存者三四為顏常山舌唐顏

何不速殺我祿山怒縛之橋不絕賊斷其舌或為

遼東帽清操厲冰雪管寧當漢魏之際居遼東二十五年

皂帽衣褐而已或為出師表鬼神泣壯烈諸葛亮也或為渡

江楫慷慨吞胡羯晉五胡雲擾豫州刺史相繼渡江中流

此江或為擊賊笏逆豎頭破裂唐朱泚反呂段秀實議

曰狂賊吾恨不斬汝萬段豈從汝反耶是氣所磅礴凜

列萬古存當其貫日月生死安足論地維賴以立天柱賴

以尊三綱實繫命道義為之根嗟予遘陽九隸也實不力

楚囚纓其冠傳車送窮北鼎鑊甘如飴求之不可得陰房

閔鬼火春院闕天黑牛驥同一皁皁馬也鷄栖鳳凰食一朝

蒙霧露分作溝中瘠如此再暑寒百沴自辟易哀哉沮洳

場為我安樂國豈有他繆巧陰陽不能賊顧此耿耿在仰

視浮雲白悠悠我心憂蒼天曷有極哲人日已遠典刑在

擊日 本郭敬新 曆守

宿昔風簷展書讀古道照顏色補十七年十月命右丞相阿剌罕右丞范文虎等發兵擊日本補十一月行授時曆郭守敬等以為漢以後曆法經七十改汴宋舊儀今多不協乃與南北日官陳鼎臣等創造儀像徧參曆法酌取中數成新曆上之其法視古皆密可以施之永久而無弊賜名曰授時頒之天下補十八年二月皇后弘吉刺氏崩后性明敏達於事機國家初政左右匡正與有力焉四怯薛性薛者猶漢言分番宿衛也太祖功臣博爾忽奏博爾木木罕黎赤老温四族世領怯薛之長割京城近地牧馬帝許之后將諫陽貴太保劉秉忠曰汝何不諫若初定都時以地牧馬則可今軍民分業已定奪之可乎事遂止宋亡幼主入朝后不樂帝曰江南平自此不用兵

許魯 齋卒

黃冠 歸故鄉

中人皆喜之爾何獨不樂后曰自古無千歲之國母使吾母子及見此則幸矣帝以宋府庫物置殿庭召后視之后下視而反帝問后何欲后曰宋人貯蓄以貽子孫子孫不能守而歸於我又何忍取之耶宋太后全氏至京不習風土后屢奏乞令回江南帝不允后退亦厚待之○三月集賢大學士兼國子祭酒致仕許衡卒衡嘗語其子曰我平生虛名所累竟不能辭官死後慎勿請謚勿立碑但書許某之墓四字使子孫識其處足矣及卒朝野莫不哀傷○世祖求南人有才者甚急宋降將王積翁薦文天祥天祥曰國亡吾分一死耳倘緣寬得以黃冠歸故鄉他日以方外備顧問可也補八月擊日本諸將弃師於海島而還

焚毀道書

初帝屢遣使往通日本不納乃命鳳州經略使忻都伐之無功而還復遣禮部侍郎杜世忠等使其國亦不報且執世忠等殺之去歲命右丞相阿剌罕右丞范文虎等率師十萬以往阿剌罕卒于軍於是詔以左丞相阿答海代之未至文虎等已航海至平壺島遇颶風敗舟諸將各擇堅艦乘之遁去棄士卒十餘萬于島眾推張百戶者為帥方伐木作舟為歸計日本覘知之卒眾襲殺殆盡惟餘南人萬餘不殺而奴之未幾得還者財三人補十月焚毀道書補十九年二月帝如上都憲宗以桓州東濼水北之龍岡中統四年以開平府為上都燕京北八百里補三月益都千戶王著殺左丞相阿合馬於闕下著因人心憤怨阿合馬密鑄大銅鎚與妖

人高和尚謀擊殺之時皇太子從帝如上都而阿合馬留守京師著以太子素惡其姦乃遣二西僧至中書詐稱皇太子還都作佛事復矯太子令俾樞密副使張易發兵夜會東宮易不察遽以兵往時高鵬張九思宿衛官中鵬問果何為易附耳語曰太子來誅左相也既而省中遣使出迎悉為偽太子所殺奪其馬入健德門夜二鼓至惠官前立馬呼省官至前責阿合馬數語著即牽去以所鑄銅鎚碎其腦立斃於是鵬九思開門大呼曰此賊也叱衛士急捕之眾奔潰多就擒高和尚逃去惟著挺身請囚時帝在察罕腦兒聞之即遣和禮霍孫等歸討為亂者獲高和尚於高梁河與王著張易皆棄市著臨刑大呼曰王著為天

履足  
地不

中哀  
贊帶

下除害今死矣。異日必有為我書其事者。帝猶不深知阿合馬姦及詢樞密副使字羅乃盡得其罪惡始大怒曰王著殺之誠是也命發塚剖其棺戮屍於通玄門外縱犬食之。四民聚觀稱快遂窮治其黨。補八月帝還大都至元元年八月定都于燕為中都大興府九年改中都曰大都。○十二月殺宋少保樞密使信國公文天祥天祥留燕三年半卧一小樓足不履地帝欲用之天祥不屈議將釋之未幾中山狂人自稱宋主欲取文丞相帝乃召天祥入論之曰汝何願天祥曰願賜之一死足矣帝猶未忍左右力贊帝乃詔有司殺于燕京柴市俄有詔使止之至則天祥死矣天祥臨刑殊從容謂吏卒曰吾事畢矣南向拜而死年四十七其衣帶中有贊曰孔子

取成  
義仁  
仁盡  
至盤  
以下  
哭詩  
天祥

忠孝  
之感

成仁孟曰取義惟其義盡所以仁至讀聖賢書所學何事而今而後庶幾無愧南北人聞者皆為流涕翰林學士王磐以詩哭之曰太元不殺文丞相君義臣忠兩得之義似漢王封齒日忠如蜀將斬顏時謂蜀將張飛精忠貫日華夷見氣節凌霜天地知却恐史書徧不到老夫和淚寫新詩有張毅甫者負天祥骸骨歸葬吉州會林某亦自惠州昇天祥母夫人之柩同日而至人以為忠孝所感補天祥為人下而兩目炯然博學善論事作文未嘗起草尤長於詩屬獄四年忠義之氣一著於詩歌累數千百篇至是共馬司勳有得其一復者亦寶藏之○二十年正月立弘吉刺氏為皇后初弘吉刺之族從太祖起兵有功尋立其女為皇后遂與約曰弘吉刺氏生女世以為后生男世尚公主

曾補元明史略卷之一

故元世諸后多其族焉。補六月增給官吏俸從御史中丞崔彧請。補十一月相答吾兒等擊緬破之西南夷十二部俱降。補二十一年二月遣王積翁使日本未至舟人殺之。○五月故宋太皇太后謝氏殂子燕。補十一月詔右丞盧世榮行鈔法世榮入中書自謂其生財有法用其法當賦倍增而民不擾翰林學士董文用曰牧羊者歲兩剪其毛今牧人日剪以獻王者固悅其得毛之多然羊無以避寒熱既死且盡毛又可得乎民財有限右丞將盡取之得無有日剪其毛之患乎世榮不能對。補二十二年二月立真定路宣慰司兼都轉運司領課程事從盧世榮請。補十一月盧世榮伏誅初監察御史陳天祥上疏言世榮專大政

兵本羅之日

恣行苛刻為民擾詔丞相以下雜問其罪復召天祥與世榮親鞫之一一欵服遂命誅之。補十二月太子真金卒太子仁孝恭儉明於聽斷中外歸心焉江西行省以歲課羨餘四十七萬貫來獻太子怒曰朝廷但令汝等安百姓百姓安錢糧何患不足盡却之時帝春秋高南臺御史上書請內禪太子聞之憂懼不自安尋卒年四十三。補二十三年正月詔罷征日本先是帝憤日本襲殺島中軍命高麗王晳及阿答海領征東行省左丞相率師往擊之詔各路拘集水手及造船五百餘艘民不勝厭苦中丞崔彧昂吉兒等諫之皆不從期以是年三月以次而發八月會於合浦有司徵歛大為姦利吏部尚書劉宣上書言近議再興

召謝  
枋得  
不至

日本之兵此役不息安危所係近征占城交趾三數年間  
吏民大擾盜賊蠭興且交趾小邦親王提兵深入無功反  
殪大將况日本海洋萬里非二國比萬一不利援兵安能  
飛渡耶帝納其言遂下詔罷之○召故宋臣謝枋得力辭  
不至時帝訪求南人有才者甚急御史程文海承旨留夢  
炎交章薦之故也○先是使程文海訪求江南人召帝素  
聞趙孟適葉李名密論文海必致此二  
人文海復薦宋宗室趙孟頫及張伯淳等二十餘人帝皆  
擢用之於是文海又薦宋遺士三十人枋得亦在列枋得  
方居母喪遺書文海曰某所以不死者以九十一歲之田  
在耳先妣以今年二月考終某自今無意人間事矣○國  
之大夫不可與圖存李左車猶能言之况稍知詩書頗識  
義理者乎某之至愚極聞決不可以辱召命亦明矣既而  
留夢炎亦力薦之於帝枋得復遺書○補四月江南兵起廣東  
民董賢舉浙江民楊鎮龍柳世英循州民鐘明亮各擁眾

謝枋  
得死

蓋棺  
事定

萬餘相繼而起○補十月置徵理司遣使鉤考諸路錢穀初  
尚書平章政事桑哥搞委六部鉤考百司倉庫財穀復以  
為不專其任遂置徵理司以主之又請以參知政事忻都  
等十二人理算諸路耗失之數詔從之○二十六年四月  
福建參政魏天祐執故宋江西招諭使知信州謝枋得至  
燕不屈死之初天祐誘枋得入城與之言坐而不對或嫚  
言無禮天祐久不能堪或讓曰封疆之臣當死封疆安仁  
之敗何不死枋得曰程嬰公孫杵臼二人皆忠趙一存孤  
一死節一死於十五年之前一死於十五年之後萬世之  
後皆不失為忠臣王莽篡漢十四年龔勝乃餓死亦不失  
為忠臣韓退之云蓋棺事始定天祐曰強辭枋得曰昔張

曾甫九月各卷之一

震地河  
大北

儀語蘓秦舍人云當蘇君時儀何敢言今日乃參政之時  
枋得復何言天祐怒逼之北行枋得不食二十餘日不死  
乃復食只茹小蔬菜積數月困殆四月朔至燕京五日死  
於驛枋得至燕問太后橫所及瀛國所存再拜慟哭疾甚承旨留夢炎使醫持糲雜米飲進之枋得怒擲之  
地不食五日死子定枋得平生無書不讀為文章高邁奇  
絕學者師尊之所著有詩傳註疏行于世補以中書右丞  
相伯顏知樞密院事將兵鎮和林和林統有漠北諸路置  
知院自伯顏始補帝幸大聖壽萬安寺詔天下梵寺所貯  
藏經集僧誦之仍給所費歲為例補二十七年四月河北  
十七郡蝗八月朔日食地震武平尤甚地陷黑沙水涌  
出壞官署四百八十間民居不可勝計壓溺死傷者數十

萬人帝深憂之乃召集賢翰林兩院官詢致災之由議者  
畏桑哥莫敢指切時政時桑哥理算天下錢穀民不聊生  
集賢學士趙孟頫入奏於帝謂須下詔蠲除庶幾天變可  
弭帝從之詔草已具桑哥怒曰此必非帝意孟頫曰凡錢  
穀未徵者其人死亡已盡非及是時除免之他日言事者  
儻以失陷歸咎尚書豈不為丞相深累耶桑哥悟遂赦天  
下民賴稍蘇補二十八年正月桑哥以罪免天下以桑哥  
鈎考錢穀之故中外騷動趙孟頫謂奉御徹里曰桑哥罪  
惡甚矣我等不言他日何以辭其責公為上所親信捐一  
旦之命為萬姓除殘賊仁者事也徹里乘間言之詞語激  
烈帝怒謂其毀訾大臣命衛士批其頰血湧口鼻委頓地  
曾補元月各卷之一



劉不臣之

上少間復呼而問之。辨愈力。曰：臣與桑哥無讐，所以力數其罪而不顧身者，為國家計耳。苟畏聖怒而不言，則姦臣何時除？民害何時息？帝大悟，召翰林學士承旨不忽木問之。對曰：桑哥壅蔽聰明，紊亂朝政，有言者即誣殺之。今百姓失業，盜賊蜂起，召亂在旦夕，非亟誅之，恐為陛下憂。時廷臣言者益衆，遂詔臺省相與辨駁之。桑哥辭屈，遂免。桑哥官籍其家得珍寶如內藏之半，尋伏誅。補罷徵理司。詔下之日，百姓相慶。○徵前贊善大夫劉因為集賢學士，不補至。補因以疾，固辭，帝聞之，曰：古有所謂不召之臣，其斯人之徒歟！遂不強致之。補二十九年六月，安南遣使入貢。初，帝詔鎮南王脫觀等屢擊安南，無功。還，帝怒，欲再伐之。適其王陳日烜死，子日燭襲位，不忽木

始置社稷

曰：彼山海小夷，以天威臨之，寧不震懼？獸窮則噬，勢使之然。今若遣使諭之，彼宜無不奉命。遂以禮部尚書張立道嘗使安南有功，復使往立道。至安南，諭之日燭，乃遣其臣何惟巖阮隨立道上表謝罪，修歲貢之禮如初。且言所以願朝之意。時有忌立道之功者，言必先朝而後可赦。日燭懼卒不至。補三十年正月，始置社稷。至元初，已詔歲祀。然未立壇壝。至是始用崔彧言置之。○四月，劉因卒。因保定容城人，天資絕人，日記千百言。初為經學，究訓詁，疏釋。嘆曰：聖人精義殆不止此。及得周程邵朱之書，一見曰：我固謂當有是也。評其學之所長，曰：邵至大也，周至精也，程至正也，朱子極其大，盡其精，而貫之以正也。因性不妄交家

學者稱先  
靜修為主

伯顏  
字履歲

雖甚貧。非其義。一介不取。隱居教授。弟子造其門者。隨材  
 器教之。皆有成就。所居扁之曰靜修。學者稱為靜修先生。  
 補六月詔。皇孫鐵木耳。撫軍北邊。召伯顏還。以玉昔帖木  
 兒代之。時有譖伯顏久居北邊。無尺寸之獲者。詔授皇孫  
 以皇太子寶。撫其軍。以太傅玉昔帖木兒輔行。伯顏授以  
 印而行。皇孫舉酒餞之。曰公。公何以教我。伯顏舉所酌酒  
 曰。可慎者。惟此與女色耳。○三十一年正月。帝崩。補在位  
二十五年  
 年改元者。二曰中統。至元。廟號世祖。國語稱曰薛淨皇帝。  
 梁寅曰。元之有天下。殊方絕域。靡不臣服。輿圖之廣。且古  
 所無。然世祖之約。不以漢人為相。故為相皆國族。而不置  
 諫官。使忠直路塞。文學之士。雖世世不交。而沈於下僚。莫  
 究其用。所賴以為用者。唯吏師而已。其為法如是。是以朝  
 皆苟且之政。而士無譽謬之風。官有貪婪之實。而吏多欺  
 誑之文。將永保萬邦。此皇孫鐵木耳自軍中來奔喪。即皇  
 隆三代無乃未之思乎。

帝位

成宗皇帝名鐵木耳。世祖之孫。太子真金第三子也。

補世祖崩

皇孫時在子上都。宗室諸王會于上都。定策之際。親王有  
 違言者。玉昔帖木兒曰。官車異駕。神器不可久。且昔太  
 子寶既有所歸。晉王宗盟之長。何俟而不言。伯顏亦握劍  
 立殿。陞宣揚。顧命。述所以立皇孫之意。辭色俱厲。諸王皆  
 股栗。趨殿下。拜皇孫。遂即位。  
 大赦。追尊考曰神宗皇帝。○元貞元年。太傅錄軍國事  
 伯顏卒。補伯顏深沈。有謀略。善斷。將二十萬眾。伐宋。如將  
 人。諸將仰之。若神明。還朝。未嘗書功。卒。諡忠武。

陝西  
旱

詔易江南諸路天慶觀為玄妙觀。毀所奉宋太祖神主。  
 六月。陝西旱饑。行省右丞許辰議發廩賑之。同列以未  
 經奏請。不可。辰曰。民為邦本。今饑饉若此。若俟命下。無及  
 矣。擅發之罪。吾當任之。遂發粟賑貸。命亦尋下。補太德二  
 年二月。罷中外土木之役。丞相完澤言。歲入之數。不償所

曾甫七月各卷之一

北齊書卷之十一  
費因以節用為請遂有是命。補三年二月遣僧一山使日本而日本竟不至。補四年二月皇太后弘吉刺氏崩后有賢德事昭睿順聖皇后執婦道甚謹及尊為太后置徽政院長其財賦院官有受獻浙西田七百頃者后曰我寡居婦人衣食自有餘况江南率土皆國家所有曷敢私之即命盡易院官之受獻者后之弟欲因后求官后拒之曰勿以累我也崩謚徽仁裕聖皇后。補五月平章軍國事不忽木卒初世祖每聞不忽木之言必嘆曰恨卿生晚不得早聞此言然亦吾子孫之福臨終以白辭遺之曰他日持此以見朕也不忽木雖歷顯要而家素貧卒無以葬賜鈔賻之贈魯國公謚文貞。補十二月右丞相完澤因雲南行省

擊西南夷  
八百媳婦

左丞劉深之言勸帝擊西南夷八百媳婦左丞相哈刺哈孫及御史中丞董士選等諫之不聽竟命深及哈刺帶等將兵二萬以往。補五年五月劉深兵次順元遠冒烟瘴未戰士卒死者已什七八驅民轉餉谿谷之間一夫負粟小斗數十日乃達死者亦數十萬人中外騷然蠻酋宋隆濟蛇節等遂連兵反攻貴州圍深窮谷中。補十一月劉深兵敗帝始悔不用董士選等之言乃遣劉國傑及楊賽因不花等率兵分道進討諸蠻。補宋隆濟累攻圍貴州不解劉深糧盡道梗不通遂引兵還隆濟復率眾邀之輜重委棄士卒殺傷殆盡御史中丞陳天祥上書諫之不報遂謝病去。補六年三月西南夷烏撒烏蒙東川芒部及武定威

曾補七月各

楚普安諸蠻曰蛇節之亂皆以供輸煩勞為辭俱叛遣陝西行省平章政事也速鐸等討平之補七年二月汰諸司冗員定中書省自左右丞相而下平章政事二員左右丞各一員參知政事二員定為八府補三月劉國傑敗宋隆濟及蛇節於墨特川擒斬之餘黨相繼平補誅劉深羅雲南分省補蘭谿處士金履祥卒履祥少從學同郡王柏及何基之門二人蓋得朱熹之傳者宋將亡遂絕意進取屏居金華山中嘗作通鑑前編居仁山之下學者因稱為仁山先生至正中賜諡文安補八年正月地震平陽尤甚民居摧毀皇后召平章政事愛薛問曰災異如此殆下民所致耶愛薛曰天地示警民何與哉補九年四月始定郊祀

金履祥  
王柏  
何基

禮補六月立子德壽為皇太子補八月西域賈人有獻珍寶求售者議以六十萬錠購之省臣有知珠者曰此所謂押忽太珠也六十萬錠之不為過矣左丞尚文曰何所用之答曰含之可不渴熨面可使目有光文曰一人含之千萬人不渴則誠寶也止濟一人則用已微矣吾所謂寶者米粟是也有之則百姓安無則天下亂以功用較之豈不愈於彼乎補十二月太子德壽卒補十一年正月帝崩補位十三年改元者二曰元貞大德廟號成宗國語稱曰完澤篤皇帝補史臣曰帝承天下混一之後善於守成惟其末年連歲寢疾國家政事內則決於官闈外則委於大臣其所以不至廢墜者則以去世祖未遠成憲具在故也補皇姪懷寧王海山即位于上都

武宗皇帝名海山成宗兄答剌麻八剌之長子也補五月

廢皇后伯岳吾氏殺之誅安西王阿難答及諸王明里帖

木兒追尊考曰順宗皇帝尊母弘吉刺氏為皇太后宗初成

海山為懷寧王鎮漠北成宗崩皇后伯岳吾氏以已嘗謀

出海山弟愛育黎拔力八達及其母居懷州至是恐懷寧

王立必親前怨乃命五安西王阿難答入京師欲立之而

左丞相阿忽台及諸王明里帖木兒等陰左右之謀斷海

山歸路奉皇后魚鱗賜政立安西王輔之右丞相哈刺哈

孫不聽衆欲害之未敢發海山適遣人計事京師哈刺哈

孫令急還報復遣使南迎愛育黎拔力八達于懷州愛育

黎拔力八達疑未行其傅李五曰今官車晏駕大太子遠

在萬里殿下當急還官廷以安人心於是乃奉其母還太

都安西之黨見愛育黎拔力八達既至遂謀偽賀其生辰

因以舉事哈刺哈孫許之夜遣人啟愛育黎拔力八達曰

懷寧王遠不能碎至恐變生不測當先事而發愛育黎拔

力八達遂定計乃先一日率衛士入內稱懷寧王遣使召

安西計事至即統諸王明里帖木兒執之械送上都收阿

忽台等誅之自監國遣使奉勳北迎海山先是海山自按

台山至和林諸王歡感合辭勸進海山曰吾母及弟在木

都俟宗親舉會職之愛育黎拔力八達既

平內難侍其世來食于上都海山遂即位

六月立弟愛

愛育黎拔力八達

加孔子封大成至聖文王

法者警權

治道先守

西斧伐狐

育黎拔力八達為皇太子○七月加封孔子為大成至聖

文宣王詔曰蓋聞先孔子而聖者非孔子無以明後孔子

而聖者非孔子無以法於戲父子之親君臣之義永為聖

教之尊天地之大日月之明奚罄名言之妙翰林承旨闕

復之辭也○詔行世祖所行條格中書省臣言法者譬之

權衡不可偏重律令者治國急務當以時損益未可輕議

請自世祖即位以來所行條格校議歸一遵而行之制曰

可○丞相答剌罕哈言治道必先守令乃精選定官吏

贓罪十二章○至大元年正月以阿沙不花為右丞相帝

嘗御五花殿阿沙不花見帝顏色日悴乃進曰个珍之味

不知御萬金之身不知愛惟麪羹是好姬嬪是耽是猶兩

曾補元月史各卷之一

樹

帝昵者比

斧伐孤樹。未有不顛仆者。帝喜曰：非卿孰為朕言。因命進酒。又頓首曰：臣方欲陛下節飲，而反勸之，是臣之言不信於陛下也。臣不敢奉詔。左右皆賀。帝得直臣，遂拜右相。○帝比昵番僧，愛之。其在上都者，彊市民薪，民訴于留守李璧。璧方詢其由，僧已率其黨持白挺突入公府，隔案引璧髮，捽諸地，捶朴交下。拽歸，閉諸空室。久乃得脫，奔訴于朝。僧竟遇赦免。未幾，其徒龔柯等與諸王合兒八刺妃爭道，拉妃墮車，毆之。語侵帝，事聞，亦釋不問。時宣政院方奉旨言，毆西僧者，斷其手，詈者，截其舌。皇太子聞之，亟上言：此法昔所未有，遂寢其令。○六月，加宦者李邦寧大司徒兼左丞相。邦寧在宋為黃門，初從瀛國公入見，世祖留給事。

內庭。至是，帝欲以為江浙平章，辭曰：臣以闕廢餘命，前朝赦而用之，使承乏中涓。今陛下復欲置臣宰輔，夫宰輔者，佐天子共治天下者也。奈何辱以寺人。陛下縱不臣惜，如天下後世何。誠不敢奉詔。帝大悅，有此命。仍領太醫院事。○三年正月，徵李孟入見，以為平章政事，同知樞密院事。孟嘗為太子傅，有功。後逃去，有譖于帝者，曰：內難初定時，孟勸皇太子自取，帝弗之信。一日，太子侍內宴，忽戚然改容。帝曰：吾弟何不樂。太子從容起謝曰：賴天地祖宗神靈，神器有歸，然成今日母子兄弟之權者，李道復之功居多。適思之，不自知其變於色也。帝即命搜訪之，得于許昌陘山，召見。於是，有此命。○四年正月，帝崩。○在位四年，改元。

在位四年改元

武宗國語稱皇太子愛育黎拔力八達即皇帝位

名先諸朝政務

仁宗皇帝名愛育黎拔力八達順宗次子武宗同母弟也  
帝天性慈孝聰明恭儉通達儒術愛養民力孜孜為治  
正月帝以太師脫虎脫等變亂舊章流毒百姓凡誤國者  
欲悉按誅之延慶使楊朶兒只諫曰為政而首尚殺非帝  
王治也帝感其言特誅其尤者脫虎脫三寶奴樂實保不  
王罷流怙哥鐵木兒于海南既而御史言脫虎脫等既正  
典刑而黨附之徒布在百司宜加罷黜從之  
武宗末年司徒蕭珍城中都徼功毒民於是追奪其符印  
令百司禁錮之凡中都所括民田悉還之民  
知政務老臣程鵬飛董士選李謙張驢陳天祥尚文劉正

臣

學才校  
出所自

聖人  
教化

郝天挺董士珍蕭欒劉敏中王忠廉韓從益趙君信程文  
海十五人詣闕同議庶政  
三月帝即位大赦初帝在東  
宮李邦寧知丞相三寶奴等畏帝英明乘間言于武宗曰  
陛下富于春秋皇子漸長父作子述古之道也未聞有子  
而立弟者武宗不悅曰朕志已定汝自往東宮言之邦寧  
慚懼而退及帝即位左右咸請誅之帝曰帝王曆數自有  
天命其言何足介懷  
四月命書平章李孟領國子學  
諭之曰學校人才所自出卿等宜數詣國學課試諸生勉  
其德業孟潞州上黨人貫通經史善論古今治亂其家居  
授徒遠近爭從之郭彥通稱孟有宰輔之器  
帝御便殿李孟進言曰陛下御極物價頓減方知聖人教化之速

曾補元月各卷之一

十一

之速

讀真觀政要

敢以為賀帝賦然曰卿等能竭力贊襄使兆民苟安庶幾  
 天心克享至於秋成尚未可必今朕踐祚曾未踰月寧有  
 物價頓減之理此言非所賴也孟愧謝○六月帝讀真觀  
 政要諭侍臣曰此書有益於國家其譯以國語刊行俾國  
 人皆誦習之又嘗有進大學衍義者帝曰治天下此書足  
 矣因命譯刊以賜臣下○補閏七月賜李孟爵秦國公初帝  
 居懷州深見吏弊既即位欲痛剷除之孟曰吏當有賢者  
 在激厲之而已帝曰卿者儒者宜與此曹氣類不合而曲  
 為保護如此真長者之言也孟在政府嘗因間乞解罷政  
 權帝曰朕在位必卿在中書朕與卿相與終始自今其勿  
 復言○皇慶元年正月帝諭中書省臣曰人言御史臺任

帝寶善人

郝天挺陳事

李孟論刑賞

重朕謂國史院尤重御史臺是一時公論國史院是萬世  
 公論也○補時朝廷封拜繁多羣臣無功而受王公之爵者  
 前後相繼於是誠左右勤職業勿妄僥倖乞加官○二年  
 二月帝諭羣臣曰田田以寶玉鬻於官朕思此物何足為  
 寶惟善人乃可為寶善人用則百姓安茲國家所宜寶也  
 ○補六月詔以周敦頤張載邵雍司馬光朱熹張栻呂祖謙  
 許衡並從祀孔子廟庭○御史中丞郝天挺上疏論時政  
 陳七事曰惜名爵抑浮廢止括田久任使論好事獎農務  
 本勵學養士帝嘉納詔中書舉行之○李孟言人君之柄  
 在刑賞賞一善而天下勸罰一惡而天下懲所施失當何  
 以為治又言貴賤有章所以定民志賜予有節所以勸臣



科詔行

京師大旱

請各為之限制。帝皆從之。○江浙行省以新安儒士程復心所著四書集註章圖纂釋來上。詔擢用之。復心辭不受。○十月以行科舉詔天下。其期以明年八月。天下郡縣舉會試京師。中選者親集。及第出身。帝謂近臣曰。朕所願者安。百姓以圖至治。然非用儒士。何以至此。設科取士。庶得真儒之用。而治道可興也。  
起嚴等五十六人及第出身。張  
補十一月京師大旱。帝問弭災之道。翰林學士程鉅夫舉湯禱桑林事以對。帝嘆曰。此實朕之責也。赤子何罪。治書侍御史尉遲德誠亦上言。西僧以作佛事。疎放罪囚。以為祈福。奴婢殺主。妻妾殺夫。皆獲賞緣。以免實。紊典常。必欲修改。以答天譴。夫豈有先於此者哉。補延祐元年六月。勅自今官

定官民車服等第

郭守敬天文十度

者勿得授文階。補十二月。帝以士民靡麗相尚。僭禮費財。命中書省定官民車服等第。惟蒙古及怯薛諸色人不禁。然亦不許服龍鳳文。補二年五月。疾風雷雹。成紀縣北山南移。至西河川。次日再移。平地突出。阜高者二三丈。陷沒民居。補十一月。立武宗子和世珠為周王。出鎮雲南。初武宗既立。帝為太子。丞相三寶奴及康里脫脫等復勸立和世珠。丞相鐵木迭兒欲徵寵。請立皇子碩德八剌。又與太后幸臣失烈門。譖王於兩宮。遂封為周王。○三年三月。太史令郭守敬卒。守敬之學長於天文水利。太史令王恂以學自負。每見守敬制度精巧。深嘆服之。王恂曰。自宋以來。水利之故。不講。誠矣。守敬獨能任其絕學。度越往古。以成一代之制也。  
補十月。以趙孟頫為

增補元月史卷之一

翰林承旨

和世珠北走

翰林學士承旨帝在東宮素知其名及即位召除集賢學士至是拜翰林學士承旨有間之者言國史不宜令孟頫典帝曰子昂世祖所簡拔朕置之館閣使典述作傳之後世此屬嗷嗷何也復厚賜之補十一月和世珠次延安其臣禿忽魯及武宗舊臣教化等謀曰天下者我武宗之天下也王之出鎮本非上意由讒構致然請聞之朝廷庶可杜塞離間遂與陝西丞相阿思罕平章塔察兒西臺大夫脫里伯中丞脫歡發關中兵分道自潼關河中府入已而塔察兒背約襲殺阿思罕教化和世珠乃走漠北補十二月立子碩德八剌為皇太子補四年六月右丞相鐵木迭兒恃勢貪虐克穢滋甚中外切齒平章政事蕭拜住稍牽

苗謙桑圖  
好裁說

制之中丞楊朵兒只及內外御史凡四十餘人共劾其桀黠姦貪欺上罔下誤國之罪又在桑哥阿合馬之上四海嫉憤咸願車裂斬首以快人心奏上帝震怒鐵木迭兒懼逃匿太后官帝不忍傷太后意但罷其相位補七月帝出見衛士有弊衣者駐馬問之對曰戍守邊鎮踰十五年以故貧耳帝曰此輩久勞於外留守臣未嘗以聞非朕親見何由知之因命賜之錢帛補五年大司農賈住等進司農丞苗好謙所撰裁桑圖說帝曰農桑衣食之本此圖甚善命刊印千帙散之民間補二月寫金字佛經共糜金三千九百兩補六年四月鐵木迭兒家居未逾年復負緣起為太子太師中外聞之莫不驚駭時御史中丞趙世延論其

不法數十事。并內外劾其不可輔導東宮者。又四十餘人。然以太后之故。皆不聽。**補**十二月。詔太子參決朝政。帝嘗顧侍臣曰。卿等以朕居帝位為安耶。朕惟祖宗創業艱難。恒懼不能守成。使百姓樂得其所。朕念慮在茲。卿等固不知也。至是復語左右曰。前代皆有太上皇之號。今太子且長。可居大位。朕欲為太上皇。與若等游觀西山。以終天年。羣臣皆稱善。右司郎中月魯帖木兒曰。臣聞昔所謂太上皇。若唐玄宗。宋徽宗。皆當禍亂不得已而為之。願陛下正大位。保無疆之業。前代虛名何足慕哉。帝乃止。○七年正月。帝崩。**補**在位九年。改元者二。曰皇慶。延祐。廟號仁宗。釋典不事游畷。不喜征伐。不崇貨利。事皇太后。終身不違顏色。待宗戚。無始終以禮。大臣親老時。加恩。費大官進膳。必分賜貴近。有司奏大辟。每慘惻。移時。其故。致為治。一遵世祖成憲。云。皇太子碩德八剌。即

**皇帝位。**  
**其宗皇帝名碩德八剌。仁宗嫡子也。天資至孝。仁宗不豫。每夜焚香泣告于天。願以身代。及即位。用法無私。果於誅殺。****補**仁宗崩。方四日。鐵木迭兒遂以太后命。復入中書。以蕭拜住及朶兒只嘗攻其奸惡。欲報之。召二人。罪以違太后旨。殺之。又以李孟初不附已。讒構於帝。盡奪其前後封拜制命。又怨上都留守賀勝。嘗發寬獄。殺之。籍其家。日思報復。仇怨誅戮不已。又徵理在京。錢穀虧耗者。及諸路歲貢幣帛。稍泚繆者。俱責償。所司程督嚴刻。怨讟復興。帝不能制。加之太師尋。詔中外。毋沮議之。○翰林學士忽魯兒

能制加之太師尋。詔中外。毋沮議之。○翰林學士忽魯兒

譯進  
大學  
行義

張浩  
直養  
諫

諫進宋儒真德秀大學衍義帝曰脩身治國無踰此書賜  
鈔五萬貫補二月帝即位大赦補以拜住為平章政事拜  
住嘗為宿衛長帝在東宮聞其賢召之辭曰嫌疑之際君  
子所慎我掌天子宿衛而私往來東宮我固得罪亦豈皇  
太子之福耶卒不往至是由太常禮儀院使擢拜補四月  
有獻七寶帶者因進臣以進帝曰朕登大位不聞卿等進  
賢而為人獻帶是以利誘朕也其還之補至治元年正月  
帝欲以元夕張燈結綵樓於官中設宴時居先帝喪參議  
中書省事張養浩上疏諫帝大怒既而曰非張希孟不敢  
言即命罷之賜養浩金織幣帛以旌其直補二月勅建西  
山佛寺甚亟御史觀音保等以歲饑且東作方興上章極

拜住  
畏

諫帝怒殺之又作壽安山寺佛像置中瑞司領之治銅五  
十萬斤時復遣帝師往西番受戒賜金千兩銀四千餘兩  
鈔幣各鉅萬補四月遷武宗子圖帖睦爾于瓊州時鐵木  
迭兒懷私固寵搆骨肉諸王大臣莫不自危補二年以  
旱澇民饑故免河間河南陝西十三郡民租之半補八月  
鐵木迭兒卒帝覺特其權寵乘間肆毒漸疎外之乃任拜  
住委以心腹鐵木迭兒因稱疾不出遂快快卒於家補十  
月以拜住為右丞相補遂不置左相帝嘗語拜住曰朕委卿  
以大任以乃祖木華黎佐太祖安童相世祖卿念祖宗令  
聞豈有不盡心者乎拜住再拜曰陛下委臣以大任臣有  
所畏者三畏辱祖宗畏天下事大識見有未盡畏年少不

擊圓則水方圓則水方  
吳澄有德宿儒

克負荷無以報聖恩惟陛下時加訓誨幸甚帝又嘗謂拜  
住曰今亦有如唐魏徵之敢諫者乎對曰槃圓則水圓孟  
方則水方有太宗納諫之君則有魏徵敢諫之臣帝善之  
○三年正月右丞相拜住言吳澄有德老儒請徵用之帝  
遂以澄為翰林學士澄撫州崇仁人經傳通貴用力聖賢  
之學成宗元貞初澄遊龍興時元明善為行省掾以文學  
自負嘗問澄易詩書春秋奧義歎曰吳先生言如探淵海  
遂執弟子禮終其身左丞董士選延之家親執饋食曰吳  
先生天下士也澄嘗為學者言朱子修道問學之功居多  
而陸子靜以尊德性為主問學不本於德性其弊必偏於  
言論訓釋故學以德性為本議者以澄為陸氏之學補三

鐵失  
逆謀

月帝如上都補六月車奪鐵木迭兒官爵籍沒其家賞○  
八月帝自上都還駐驛南坡此夕御史大夫鐵失等逆謀  
弑帝于行幄迎皇叔晉王也孫鐵木兒即皇帝位於龍居  
河補鐵木迭兒既奪爵籍廢鐵失等以奸黨不自安帝在  
上都以夜寐不寧命作佛事拜住以國用不足諫止之  
既而懼誅者復陰誘群僧言國寬有厄非作佛事大赦無  
以禳之拜住叱曰爾輩不過圖得金帛而已又欲在罪  
耶奸黨聞之益懼乃生異謀至是車駕自上都南還駐驛  
南坡是夕鐵失與知樞密院事也先鐵木兒諸王按捺不  
花等謀逆以鐵失所領阿速衛兵為外應鐵失先與前平  
章政事赤斤鐵木兒殺右丞相拜住而鐵失直犯禁墮手  
弑帝於卧内時年二十一帝在位四年改元者一曰至治  
廟號英宗國語稱曰格堅皇帝帝性剛明嘗以地震避殿  
撤樂或膳近臣有稱觴賀者叱曰朕方修德不暇汝為木  
臣不能匡輔反為誦耶拜住進曰答在臣等宜求賢自代  
帝曰毋多遜朕之過也嘗謂宰執曰中書選人署事旬時  
御史臺即改除之臺除者中書亦然今中書遺逸良多卿  
等不能盡心求訪惟以親戚故舊更相利用耶其  
明斷多類此然以果於刑戮奸黨畏誅遂構大變

泰定皇帝名也孫鐵木兒晉王甘麻刺之長子裕宗太子

真之嫡孫初襲封晉王及英宗遇弒以支庶入繼大統

王鐵木兒初王府內史刺沙得幸於王嘗偵伺朝廷事

機以其子哈散事丞相拜住得入宿衛久之哈散知鐵木

兒謀已定事成推立王為皇帝於是王命囚幹羅思遣別

列迷失等赴上都以密謀告變未至帝遇弒諸王按捺不

花及也先鐵木兒奉皇帝璽鏡來迎王遂即位於龍居河

大赦○九月帝誅逆賊鐵木兒等於燕都並戮子孫籍家產

天下○帝既即位以也先鐵木兒為右丞相鐵木兒知樞密院事

都御大明殿受諸王百官朝賀○追尊考晉王為顯宗皇

失誅鐵

木兒按捺不花等于邊地餘黨俱免官○十月帝至大

開經

而如異規

帝母弘吉刺氏為皇后○封買奴為泰寧王倒刺沙左丞

相○泰定元年二月浙江行省左丞趙簡請開經筵擇師

傅令太子及諸王大臣子孫受學遂命學士吳澄等進講

帝範資治通鑑大學衍義貞觀政要諸書○二年六月中

書參政左塔不台言大臣兼領軍務前古所無鐵木以御

史大夫也先帖木兒以知樞密院事皆領衛兵如虎而異

故生逆謀自今軍務之職乞毋以大臣領之庶敷舊之家

得以保全從之○教和元年二月帝如上都命倉樞密院

事燕帖木兒等居守○七月帝殂于上都○文宗不為立廟

定帝○在位五年改元者二曰泰定教和王禕曰武宗以

兄弟相及約繼世子孫迭居大位而仁宗感於險言不守

宿請傳位英宗仍使武宗二子明宗文宗出居於外及英

宗遇弒而明宗在北文宗在壘晉邸乘間入繼大統或謂

晉邸非所宜立。雖然晉王族世祖孫也。於次為長。雖守藩服。嘗有盟書。今而圖統之。弗繼則求所當立者。金晉王之系。將誰屬耶。然則謂晉邸非所宜立。蓋亦過也。舊傳英宗之統。晉邸與聞乎。故其歿。不舉請諡。升祔之典。明其為賊也。然考之實錄。皆不得其。實傳聞之謬。烏可信哉。

明宗皇帝名和世球。武宗長子也。初武宗殂。弟仁宗立。約以次傳于帝。延祐三年。議建儲嗣。時丞相鐵木迭兒欲固位。取寵乃議立英宗為太子。又讚帝於兩宮。謂仁宗及母太后封帝為周王。出鎮雲南。逃在漠北。逮泰定帝殂。皇后八不罕氏皇太子阿速吉八遣使詣燕都。收印章。時僉樞密院事燕帖木兒遂謀義舉。大會羣臣。令曰武皇有子二人。謂周王大統所在。當迎立之。不從者死。以帝遠在沙漠。猝未能至。而帝弟懷王時徙江陵。泰定元年召圖帖睦爾于璦州封為懷王出居建康乃

迎入燕都。懷王固讓曰。大兄在北。以長以德。當有天下。燕帖木兒曰。人心向背之機。間不容髮。一或失之。噬臍無及。○九月懷王襲皇帝位。改元天曆。明告中外。以攝位之意。是為文宗。倒刺沙在上都。已立皇太子為帝。時年九歲改元天曆遣兵令道攻燕都。敗績。齊王月魯帖木兒等以兵圍上都。倒刺沙奉皇帝寶出降。泰定嗣帝不知既終○十一月文宗遣使迎周王和世球于漠北。○天曆二年正月周王還至和寧之北。遂稱帝。是為明宗○三月文宗遣右丞相燕帖木兒奉皇帝寶赴漠北。○四月帝遣使立文宗為皇太子。○六月皇太子發京北迎帝。○八月帝次于旺忽察都。皇太子入見。帝暴殂。皇太子襲位于上都。胡辨中曰開之故也言燕帖木兒奉上一璽錄明宗徙官有不為之

禮者燕帖木兒且且且既而帝暴崩燕帖木兒聞之即奔入帳中取寶璽扶文宗上馬南馳木史乃言皇太子入其說不合豈當時忌諱有不取明意者歟

文宗皇帝名圖帖睦爾武宗次子明宗之弟也初封懷王

出鎮建康及泰定帝崩大臣迎立帝帝讓兄明宗明宗崩

復登太寶○九月西臺御史中丞張養浩卒養浩濟西人

自幼有行義勤學業嘗著書三卷一曰廟堂忠告二曰風

憲忠告三曰牧民忠告言居官之道○命翰林奎章諸儒

臣準唐宋會要輯本朝典故名曰經世大典補至順元年

二月立明宗子懿璘質班為郕王補四月皇后弘吉刺氏

與宦者拜住謀殺明宗皇后八不沙補帝以燕帖木兒有

大功欲獨相以尊異之乃為右丞相巖置左丞相知樞密

張養浩書三卷經世大典

范可東諸子  
君漢古

院閣徹伯脫脫木兒等十二人以其權勢崇重欲謀誅之

也的迷失脫迷以變告按問並棄市籍其家○湖南嶺北

道經歷范棹卒棹清江人天資穎異雖癯然清寒若不勝

衣而卓然自樹於流俗表家居養親固窮守節耽詩工文

用力精詣朝臣薦為翰林編修秩滿除海南海北道廉訪

司照磨巡歷遐僻風波瘴癘無所忌憚所至興學教民雪

理冤滯吳澄誌其墓以為特立獨行之士可方東漢諸君

子補十二月立燕王阿剌忒納答刺為太子尋卒補年

六月翰林學士吳澄卒澄泰定間謝病歸臨川四方從學

者恒數百人著書至將終不輟有易春秋禮記纂言及校

定皇極經世書太戴禮等書卒贈臨川郡公諡文正補八



月詔皇子古刺答納出居燕帖木兒家更名燕帖吉思補

十一月詔養燕帖木兒之子塔刺海為子賜居第賞產補

三年四月安西王阿難答之子月魯帖木兒謀不軌事覺

其黨皆伏誅補五月帝如上都補八月帝崩于上都補在

年改元者二曰天曆至順廟號皇姪懿璘質班即皇帝位補

寧宗皇帝名懿璘質班明宗次子也文宗崩子幼遺命立

帝補文宗崩于上都帝留守京師燕帖木兒請皇后補皇

皇后取在位兩月而崩補廟號寧宗王禕曰寧宗之立雖

進其子而真兄子是不可謂非公天下之心也然皇兒受

懼帖睦爾即皇帝位順皇帝名妥懽帖睦爾明宗長子也文宗時被讒出居廣

西寧宗崩登大寶

補初太祖取西北諸國阿兒斯蘭率眾

孫納罕後魯氏女曰邁來的生帝至順初明宗居沙漠納其裔

徙之高麗使居大青島中尋詔天下言明宗在時素謂非

其子移于廣西之靜江寧宗崩燕帖木兒復請立燕帖古

且明宗長子於理當立補元統元年三月燕帖木兒死燕

乃遣闊里吉思往迎之

帖木兒自秉權以來肆行無忌一宴或宰十三馬取泰定

后為夫人前後尚宗室女四十人有交禮三日遽遣歸者

後房充存不能盡識一日宴平章政事趙世延宅男女列

坐見坐隅一婦甚麗意欲與俱歸顧左右曰此為誰對曰

大師家人也自後荒淫日甚體羸弱血而死補六月帝即

位于上都初帝至自靜江百官具鹵簿迎于良鄉燕帖木

兒既見並馬徐行具陳迎立之意帝幼且畏之一無所答

燕帖木兒疑其意不可測故至京久不得立適太史亦言其立則天下亂用是議未能決遷延者數月燕帖木兒死太后乃與大臣定議立之且約後當傳于燕帖古思若武宗仁宗故事補以伯顏為太師右丞相撒敦太傅左丞相時有阿魯輝帖木兒者明宗親臣也言于帝曰天下事重宜委宰相決之庶可責其成功若躬自聽斷必負惡名帝然之由是深居官中每事決於宰相補八月立皇后伯牙吾氏后燕帖木兒之女補十月封撒敦榮主唐其勢襲封太平主唐其勢燕帖木兒子也○二年正月朔雨血于汴梁著衣皆赤補五月撒敦罷六月復以為左丞相尋卒補三年六月唐其勢反時撒敦已死伯顏獨秉政唐其勢忿

曰天下我家天下伯顏何人而位吾上遂與其叔父句容郡王答鄰答里潛蓄異心謀立諸王見火帖木兒或發其謀唐其勢伏兵東郊率勇士突入宮伯顏及完者帖木兒等掩捕獲唐其勢誅之其弟塔刺海走匿皇后座下后蔽之以衣左右曳出斬之血濺后衣伯顏奏並執后后呼帝曰陛下救我帝曰汝兄弟為逆豈能相救乃遷出宮伯顏尋殺之于開平民舍見火帖木兒自殺補九月減宦者御史臺臣言國初宦官不過數十人今內府執事不下千餘乞依舊例裁減冗濫以廣仁愛之心省糜費之患從之補十一月詔改元統三年為至元元年帝以世祖皇帝在位長久欲祖述之監察御史李好文言年踰襲舊於古未聞

論孟  
聖賢  
之賢  
盡在  
四書

襲其名而不蹈其實未見有益因言時弊不如至元者十  
餘事不報補至元三年正月帝敗于柳林凡三十五日補  
廣東朱光卿與其黨石昆山鍾大明聚眾反稱大金國改  
元赤符河南捧胡亦舉兵反補二月定服色器皿與馬之  
制時服飾上下無別帝初禁民間服麒麟鸞鳳白兔靈芝  
雙角五爪龍八龍九龍萬壽字赭黃等服至是復詔定其  
制尋禁倡優盛服及戴笠乘馬補○婺州路總管府以金華  
儒士金履祥所著論語孟子考證來上命刊行之其門人  
東陽許謙序之曰聖賢之心盡在四書而四書之義備於  
朱子顧其卓言辭約意廣讀者或得其粗而不能悉究其  
義或以一偏之致自異而初不知未離其範圍世之詆訾

白雲  
許氏  
儒學  
而分  
殊而  
聖人  
之道  
已而  
為學  
若五  
味和

質亂務為新奇者其弊正在此耳此金先生考證之所由  
作也○十一月金華處士許謙卒初謙聞仁山金履祥講  
道蘭江上委已而學焉履祥告之曰吾儒之學理一而分  
殊理不患其不一所難者分殊耳謙由是致其辨於分之  
殊而要其歸於理之一又曰聖人之道中而已矣謙由是  
事事求夫中者而用之初履祥謂謙曰士之為學若五味  
之在和醢鹽既和則酸鹹頓變子來見我三日矣猶夫人  
也豈吾之學無以感發於子耶謙聞之惕然居數年盡得  
所傳之妙及履祥既歿謙益肆充闡多所自得自謂吾非  
有大過人惟為學之功無間斷耳平生制行甚嚴而所以  
應世不膠於古不流於俗介而不僑通而不隨屏跡入華

教以性倫  
五人為本

山中學者翕然羸糧筭書而從謙之教人以五性人倫為本以開明心術變化氣質為先以為己為立心之要以令辨義利為處事之制惰者作之銳者抑之拘者開之放者約之為師四十年隨其才分咸有所得補五年十一月詔以伯顏為大丞相伯顏既誅唐其勢獨秉國鈞專權自恣構陷郊王徹徹篤奏賜死帝未允輒傳旨殺之又奏貶宣讓王帖木兒不花威順王寬徹普化不俟命即遣之帝為之遂不平補六年二月伯顏所養弟之子脫脫見伯顏變亂成憲虐害天下漸有異謀深憂之私請於父馬札兒台曰伯父驕縱已甚萬一天子震怒則吾族赤矣曷若於未敗圖之其父亦以為然脫脫復質於師吳直方直方曰傳

有之大義滅親大夫但知忠於國爾餘復何顧一日見帝乘間自陳忘家徇國之意帝猶未之信時帝左右皆伯顏之黨獨世傑班阿魯為帝腹心乃遣千人與脫脫游日以忠義之言相與徃復辨論益悉其心靡他遂聞于帝帝始信之一日泣語脫脫脫脫亦泣下遂與世傑班等謀欲候伯顏入朝擒之一日伯顏請帝出畋脫脫勸帝稱疾不徃伯顏固請乃命太子燕帖古思出次柳林脫脫與世傑班阿魯合謀拘京城門鑰命所親信列布城門下是夜奉帝居玉德殿遣怯薛月可察兒率三十騎抵營中取太子入城數伯顏罪狀出為河南行省左丞相伯顏奏乞陞辭不許道出真定父老奉觴酒以進伯顏曰爾曹見子殺父事

乎對曰。不曾見子殺父。惟聞有臣弑君。伯顏俛首有慚色。既而帝以伯顏罪重。罰輕。復降詔。安置南恩州陽春縣。行次江西。隆興驛病死。○六月。撤文宗廟主。徙太皇太后。之於東安州。安置於太子燕帖古思於高麗。殺諸途。武宗升遐。太后感於愀隱。俾皇考出封雲南。英宗遇害。我皇考以武宗之嫡。居沙漠。宗王大臣同心翊戴。于時以地近。先迎文宗。宗暫總機發。繼知天理人倫。所在假讓。位之名。以實。皇考上。皇考推誠不疑。即立為皇太子。而乃當躬。近之際。與其臣月魯不花也。里牙明里董阿等謀為不軌。使我皇考飲恨。上賓。歸而再御宸極。又私圖傳子。嫁禍于八。不沙皇。后謂朕非明宗之子。出居遐陬。上天不佑。隨降。瘦。罰。叔。燔。不。答。失。里。情。其。勢。焰。余。長。嫡。而。立。次。幼。奄。復。不。惟。鞠。育。罔。極。之。恩。忍。忘。不。共。戴。天。之。義。其。命。太。常。撤。太。圖。帖。睦。爾。在。廟。之。主。不。答。失。里。則。太。皇。太。后。之。號。徙。東。安。州。安置。燕。帖。古。思。故。諸。高。麗。當。時。賊。臣。月。魯。不。花。等。已。死。其。以。明。里。董。阿。明。正。典。刑。時。監。察。御史。崔。敬。言。文。宗。既。撤。廟。主。嫡。母。亦。削。鴻。名。盡。考。正。名。斯。亦。足。矣。惟。念。皇。弟。燕。帖。古。

吳善文如用

變比圖

思年幼播遷。天理人情有所不忍。為先皇。上賓。皇弟尚在。機祿。未有知識。義當矜。閔。常人有百金之產。尚置義田。以收。養。宗。族。陛下富有四海。乃以同氣之人。置之。外。貽。笑。他。邦。取。辱。中國。僕。生。他。變。關係。非。輕。臣。願。殺。身。以。贖。皇。弟。之。罪。伏。望。陛下。迎。歸。太后。母子。以。盡。骨肉。之。義。書。奏。不。報。未。幾。太后。崩。于。東。安。州。燕。帖。古。思。遇。害。于。中。道。○處。士。吳。萊。卒。直。方。萊。不。仕。居。深。裏。山。中。夔。音。鳥。山。在。窮。經。史。以著述為務。善論文。嘗云。作文如用兵。兵有正有奇。正者法度。如部伍分明。是也。奇者不為法度所縛。千變萬化。坐作擊刺。一時俱起。及其欲止。部伍各還。其隊元不曾亂。聞者服之。○至正元年三月。奉章閣學士。變。音。侍。經。進。勸。帝。務。學。帝。欲。觀。古。名。畫。變。變。取。郭。忠。恕。比。干。圖。以。進。因。言。紂不聽諫。遂亡其國。丁日帝覽宋徽宗畫。稱善。變。變。進。白。徽宗多能。惟一事不能。帝問何一事。對曰。獨不能為君爾。

通鑑綱目卷之...

三十一

其身辱國破皆由不能為君也。能為君則他非所尚。○補三

年三月詔修宋遼金三史。命脫脫為都總裁。○十一月翰

林學士揭傒斯卒。後斯豫章豐城人。少貧。讀書刻苦。延祐

初程鉅夫與盧摯列薦于朝。授翰林院編修。文宗時嘗進

太平政要策。拜直學士丞相。脫脫問政治何先。曰儲材為

先。養之於譽望未隆之時。用之於周密庶務之後。可也。○補

六年十二月靖州。瑤吳天保作亂。時湖廣瑤俱亂。而天保

勢尤熾。寇陷黔陽武岡。渝浦諸郡縣。有衆六萬餘。廣西峒

獠亦乘隙入寇。○七年七月。以朱公遷為金華郡學正。公

遷鄱陽人。父梧岡翁。聞同郡。準軒吳中行。得聞朱子門人

黃幹之學。與廣信饒魯。○雙。往準軒學焉。於是大肆力於

德文

學。道德文章卓然名世。所著有詩傳疏義行世。○補十月。沿

江兵起。○八年十月。景天保寇全道州。○十一月。台州方

國珍作亂。聚眾海上。○國珍台州黃巖民也。與蔡亂頭等

浙參政。梁見只。班討捕之。追至福州。國珍知事危。焚舟將

遁。官軍自相擊。梁見只。班遂被執。國珍追其。上。招降之。

○翰林學士致仕。虞集卒。集

宋丞相允文五世孫也。嘗議學校曰。今天下學官以資格

授。強加之。諸生之上。而欲望師道之立。可乎。為今之計。莫

若使守令求經明行修者。身師尊之。庶可以觀感而化矣。

其考進士試。則語同列曰。五經傳註各有主意。將以一道

德同風俗。非欲使學者專門擅業。如近代五經學究之固

陋也。試藝之文。推其高者取之。不必先有主意。若至意先

虞集

試藝

曾補元明史格卷之一

意論海運

陶菴 邵菴 揚載 文章

定則求賢之心狹而差自此始矣其論海運糧曰東南運糧實竭民力今京師東瀕海數千里北極連海南瀕青齊崔葦之場也而海潮日至淤為沃壤宜用浙人之法築堤捍水為田聽富民欲官者合其眾分以地官定其畔以萬夫畊命為萬夫長以千夫畊命為千夫長三年而征其稅如是則東南民數萬可以衛京師可以防島夷可以省海運矣時異議者多事竟寢集學博洽而究極本源其經綸之妙一寓於文素孝友與弟樂構書舍為二室左室書陶淵明詩於壁題曰陶菴右室書邵堯夫詩於壁題曰邵菴故稱集為邵菴先生○寧國府推官揚載卒載杭州人以大臣薦為翰林編修遷寧國府推官載之文章一以氣為

以氣為主

成造 論河

主自成一家言而於詩尤有法嘗語學者曰詩當取材於楚漢而音節以唐人為宗范楊虞揭俱為一代文章之巨擘而載之詩變宋末陋習尤居范楊虞揭之先者也○補九年四月棗陽民張氏婦生子甫及周歲暴長四尺許容貌異常皤腹擁腫見人嬉笑如世俗所畫布袋和尚云○補十年十二月方國珍攻温州○補十一年四月黃河決丞相脫脫集羣臣廷議漕運使賈魯曰必塞北河疏南河使復故道工部尚書成遵以為河之故道斷不可復且曰山東連歉民不聊生若聚二十萬衆於此地恐他日之憂又有重於河患者脫脫先入魯言不聽自辰至酉論辨終莫能入明日執政謂遵曰修河之役丞相意已定公勿多言遵曰

北河童謠

劉通亂作福

腕可斷。議不可易。遂出遵河間鹽運使。命魯開黃河故道。發河南北兵民十七萬。興功凡五閱月。諸埽堤成。河復故道。超授魯集賢大學士。先是河南北童謠云。石人一隻眼。挑動黃河。天下反。及魯治河。果於黃陵岡得石人。一單眼。而汝穎之兵起。宋濂曰。議者往往謂天下之亂。皆由賈魯治河之役。勞民勸衆之所致。殊不知元之所以○五凶者。紀綱廢弛。風俗偷薄。其致亂之階。非一朝一夕之故也。使魯不興是役。天下之亂。誰無從而起乎。

月。穎州屬真定府妖人劉福通作亂。以紅巾為號。陷穎州。初。樂城韓山童祖父。以白蓮會燒香惑衆。至山童倡言。天下大亂。彌勒佛下生。河南及江淮愚民。翕然信之。福通復妖言。謂山童當為中國主。欲同起兵作亂。事覺。縣官捕之急。福通遂反。山童就擒。其妻楊氏及子韓林兒逃之武安。通黨

徐壽輝妖術

脫州征徐

亦以燒香聚衆。與其黨趙均用彭阜住。攻陷徐州。據之。○  
 蘄州徐壽輝等以妖術聚衆。反亦以紅巾為號。陷蘄水縣。及黃州。僭稱帝國。號天完。改元治平。○十月。饒信等路兩。泰民多取而食之。○十二年正月。徐壽輝兵破漢陽諸郡。威順王寬徹普化等棄城走。二月。破江州。總管李黼死之。○  
 定遠郭子興見汝穎兵起。州郡騷動。遂與其黨孫德崖等舉兵。自稱元帥。攻拔濠州。據之。○三月。徐壽輝兵破袁瑞。饒信徽等州。○命各行省分兵擊諸路作亂者。○八月。命知樞密院事咬咬等。從丞相脫脫征徐州。脫脫將出師。尚書密通麻和謨等上言。大臣天子之股肱。中書庶政之

曾甫九月各卷二

三十三



張誠亂作士

根本不可以下日離乞詔留賢相擢亮天工如此則內外  
有兼治之宜社稷有倚重之寄不報遂詔脫脫總制諸路  
軍馬凡爵賞誅殺悉聽便宜從事至徐州攻其西門破之  
芝蔴李道去趙均用彭早住走濠州追擒其將數十人遂  
屠其城○徐州既下脫脫命賈魯追擊趙均用彭早住子  
濠州均用與郭子興孫德崖拒守會魯死兵解早住均用  
遂據濠城稱王子興等反屈已下之遂為所制既而早住  
死均用益自專○十三年五月泰州民張士誠作亂○  
州白駒場人為鹽場綱司牙儉與弟士德士信陷泰州及  
高郵據之僭號太周自稱誠王建元天祐○  
淮南行省遣知  
府李齊招降被留久之賊酋自相戕始縱齊來婦士誠遂  
探高郵僭號已而有詔赦之使至不得入賊始言請李知

房運中之術

天魔舞

方國珍為徽州路治中不受命○十二月平章政事哈麻  
乃妹塔克魯帖木兒等陰進西番僧于帝行房中運氣之  
術誦演揲兒法○演揲兒者漢言大喜樂也又進僧伽璘真善秘密法帝  
皆習之時帝在位久怠於政事荒于遊宴以宮女十六  
人按舞名為天魔舞首垂髮數辨戴象牙冠身披瓔珞木  
紅銷金長短裙襖各執加巴刺般之器及宮女十一人練  
槌髻勒帕常服或用唐帽窄衫所奏樂用龍頭笛管小鼓  
箏篋琵琶笙胡琴響板每官中讚佛則按舞奏樂及以西  
番僧為司徒伽璘真為國師各取良家女三四奉之謂之

曾補元明史略卷之一

龍苑  
造內  
凡

官自  
漏製

供養嘗給帝曰陛下尊富不過保有見世而已人生能幾時當受此秘密大喜樂禪定於是廣聚女子淫戲帝諸弟寵臣皆在前相狎男女裸處號所處曰豈即凡該猶漢言事事無碍也群僧出入禁中醜穢外聞帝又於內苑造龍船首尾長一百二十尺上有五殿龍身并殿宇俱五采金裝日於後官海子內游戲船行則龍首眼爪尾皆動又自製官漏約高六七尺為木櫃腰設玉女捧時刻籌時至輒浮水而上左右列二金甲神人一懸鐘一懸鉦夜則神人自能按更而擊補十二月郭子興患趙均用之專領所部萬人入據滁州城稱王補十四年六月張士誠攻揚州破之尋陷盱眙及泗州補十一月丞相脫脫督軍征高郵連

爵脫削  
官脫

兵祖明  
起太

戰克捷賊勢大感平章政事哈麻素與脫脫有隙使御史袁賽因不花劾脫脫出師三月略無寸功傾國家之財以為已用半朝廷之官以為已隨詔削奪脫脫官爵淮安安置補十五年正月徐壽輝遣其將倪文俊破沔陽補二月劉福通等迎韓林兒立為宋帝號小明王建都亳州號宋改元龍鳳補三月徐壽輝攻襄陽破之補四月以哈麻為左丞相其弟雪雪為御史大夫於是國家大柄盡歸兄弟矣補六月明太祖起兵自和州渡江取太平路自紅巾倡亂之後南州郡縣多陷沒故太祖從而取之補十一月荅失八都魯擊宋劉福通軍破之福通以其主韓林兒走安豐補十二月哈麻矯詔殺故中書右丞相脫脫于淮安

方國珍降

補十六年正月哈麻雪雪有罪伏誅哈麻既相以前進西僧為天下士大夫笑為恥欲奉帝為太上皇立太子為帝告其父禿魯其妹聞之歸告其夫禿魯帖木兒時禿魯帖木兒專以淫褻媚帝恐太子為帝則已必先誅即以聞于帝帝大怒詔安置哈麻惠州雪雪肇州此行皆杖死人快之補徐壽輝據漢陽補二月張士誠入平江據之補三月明太祖帥水陸師克金陵入城呂官吏耆老論曰吾率眾至此為民除亂耳爾宜各安職業民大悅更相慶慰遂改集慶路為應天府分遣諸將取鎮江廣德皆下之補方國珍降命為海道漕運萬戶補六月彰德李實如黃山先是童謠云李生黃山民皆無家補十七年五月明將徐達常

明珍成 玉據都

歐陽文 章道 世名

遇春率兵攻寧國久不下太祖乃親督師既至守臣楊仲英開門請降百戶張文貴殺其妻妾自刎而死補八月宋劉福通攻汴梁遂分兵略地于山東西其勢大振補張士誠寇嘉興屢為行省楊完者所敗乃以書請降許之遂授士誠大尉其弟士德淮南平章○十二月天完將明玉珍隨州據成都蜀中郡人皆附之補詔天下團結義兵○翰林學士承旨歐陽玄卒玄性度雍容會宏績密處已儉約居官廉平三任成均兩為祭酒六入翰林三拜承旨修實錄大典三史皆大制作凡制誥多出其手文章道德卓然名世以湖廣行省右丞致仕將歸帝復留之仍為承旨天下已亂卒京城寓舍十五年封楚國公諡曰文所著有圭齋集○十

伯甫

陳友諒 安慶 死 余闕 之

八年正月。天完將陳友諒陷安慶。友諒，沔陽漢家子，嘗為書，敏吏，不樂會，徐壽輝倪文俊等起兵，慨然往從之。初，為文俊簿書，掾未幾，亦領兵，為元帥。文俊漸專恣，謀殺壽輝，不果。友諒遂襲殺文俊，併其軍，自稱平章。壽輝不能制。守將淮南行省右丞余闕死之。闕守孤城，六年，寇至，城下輒敗去。至是，友諒合諸寇來攻，羣盜四面蟻集，外無一甲之援。西門勢尤急，闕自當之，徒步提戈為士卒先，分麾下將督三門之兵，自以孤軍血戰，斬首無算，而闕亦被十餘創，城陷。闕知不可為，引刀自剄，墮清水塘中。妻耶律氏及子德生、女安安、甥福童皆赴井死。時從十餘人，其守臣韓建方卧疾，罵賊不屈，一家同死。雖大義感人之深，亦古今之所罕見者也。三月，宋毛貴破濟南路，河南行省右丞董搏霄與戰死之。補毛貴由河間破薊州，遂逼畿甸，京師大恐。廷臣或勸帝北巡，以

避之。或勸遷都關陝，眾議紛然。獨丞相太平力以為不可。

遷，遂徵四方兵入衛。同知樞密院事劉哈刺不花拒戰于

柳林，貴眾潰退，走濟南。補四月，天完將陳友諒破龍興。補

五月，宋劉福通攻汴梁，守將竹真出走，遂入據其城。乃自

安豐迎其主韓林兒居之，以為都。補六月，宋將關先生兵

破遼州，遂大掠塞外諸郡。補八月，蒙陰縣饑，斗米金一斤。

補九月，張士誠殺苗帥楊完者。先是，江淮既亂，議者以為

苗兵可用，遂自湖廣招至。累破士誠兵，苗性貪殘，好殺，所

過屠戮，士誠為所窘，既降，欲圖之。而江浙丞相達識帖木

遜亦厭完者驕橫，乃陰定計，用士誠兵圍之。完者兵敗，自

殺。其部將員成等率所部詣明，將李文忠降。完者死，士誠

曾補元月史冊卷之一

宋先兵上關  
關生破都官

益無所憚尋遣兵據杭州嘉興達識帖木適無如之何矣  
補十二月明太祖取務州改務州路為寧越府補宋關先  
生兵破上都焚官闕帝欲復修之工役大興參議中書省  
事陳祖仁上疏諫其畧曰今四海未靖瘡痍未瘳倉庫告  
虛財用將竭乃欲驅疲民以供大役廢其耕耨而荒其甲  
畝何異扼其吭而奪之食以速其斃乎陛下追惟祖宗宮  
闕念茲在茲然不思今日所當興復乃有大於此者願陛  
下以生養民力為本以恢復天下為務信賞必罰以驅策  
英雄親正人遠邪佞以圖謀治道夫如是則承平之觀不  
日咸復詎止上都官闕而已乎疏奏帝嘉納之補西河山  
東民以饑疫死者凡二十餘萬補十九年四月趙均用殺

陳諒友  
友稱國號

宋毛貴其黨續繼祖執均用殺之補八月陝西平章改事  
察罕帖木兒復汴梁宋劉福通以其主韓林兒走安豐補  
二十年二月右丞相太平罷先是太子謀內禪諭意太平  
太平不答太子惡之去其政柄知樞密院事紐的該聞之  
數於帝前左右之以故太子之志未得逞太子又令御史  
誣太平所用成遵趙中賊罪下獄杖殺之太平知勢不  
可留乃以病辭位養疾于家臺臣奏留之不久補三月以  
糊思監為右丞相時帝益厭政官者朴不花用事為奸利  
聞卒呂禍亂論者謂元之亡二人之罪居多○五月陳友  
諒殺其主徐壽輝於太平路遂自稱帝國號漢改元太義

陽王 羅 犯 畿

先是友諒率舟師犯太平披壽輝以行及太平既陷急謀借竊乃於采石舟中伴使入詣壽輝前自事令壯士持鐵槌自後擊之碎其首壽輝死友諒遂以采石五通廟為行殿稱皇帝 ○八月命大同大都

督李羅帖木兒守石嶺關在太原東北以陝西平章政事察

罕帖木兒守石嶺關以南故為分之二 ○十二月陽王阿

魯輝帖木兒擁兵數十萬犯京畿使來言曰祖宗付汝以

天下汝已失其大半若以國壘付我當自為之帝遣報曰

天命有在汝欲為則為之命知樞密院事禿堅帖木兒等

將兵擊之不克軍士皆潰禿堅帖木兒走上都補陽王

里大王七世孫也時兵起四方朝廷屢詔宗王以 北

十一月明太祖伐漢拔江州漢王友諒走武昌補九

月阿魯輝帖木兒兵逼上都太子言於帝令以太平為留

守實欲置之死地阿魯輝部將脫驪者太子子也先忽都

故將也引兵縛阿魯輝至軍前太平不受送闕下誅之太

平終不以為己功補明玉珍破東川郡縣 ○十一月朔黃

河清凡三日補二十二年六月宋降將田豐殺平章政事

察罕帖木兒初察罕帖木兒復汴梁定河南復山東以田

豐據山東久軍民服之乃為書招之豐及王士誠皆降山

東俱平獨益都孤城不下至是移兵圍之大治攻具諸道

並進田豐復與王士誠陰謀刺殺察罕叛入城事聞詔贈

河南行省左丞相封潁川王謚忠襄命其子擴廓帖木兒

代總其兵擴廓既領兵討賊誓必復讐而賊城守益固乃

穴地道以入拔其城執賊首陳標頭等二百餘人獻闕

明珍稱玉  
成帝子都

陳友諒  
死敗友

下而取田豐王士誠之心以祭其父餘黨皆就誅遂遣兵  
取荊州山東悉平補二十三年正月明王珍稱帝于成都  
建國號曰夏改元天統初王珍聞陳友諒弑徐壽輝謀欲  
討之整兵守夔關不與相通復立廟以祀壽輝自稱隴蜀  
王分兵克龍州至是遂稱帝補二月擴廓帖木兒引兵還  
河南補張士誠將呂珍入安豐殺宋劉福通等據其城明  
太祖率兵擊走之補○七月明太祖與漢陳友諒大戰于鄱  
陽湖友諒敗死補九月張士誠自稱吳王先是士誠雖請  
降授官而城池甲兵錢穀皆自據如故至是令其部屬自  
頌功德求王爵不報士誠遂自立為吳王即平江治宮室  
立官屬朝廷遣使徵糧于士誠士誠不奉自是東南海運

絕補十一月太子惡太傅太平令人劾奏之安置土番尋  
遣使逼令自殺補十二月宦者朴不花索驩內侍太子外  
結右丞相搠思監驕恣不法治書侍御史陳祖仁上疏諫  
之忤太子意祖仁復上疏言之極痛切帝大怒時待御史  
李國鳳亦言二人當任於是臺臣自老的沙以下皆左遷  
而出祖仁于甘肅老的沙遂與禿堅帖木兒逃於孛羅帖  
木兒軍中補二十四年三月右丞相搠思監拘太子旨誣  
老的沙等不軌收其黨鍛鍊其獄連逮不已帝知其無辜  
數諭太子寢其事太子不從搠思監朴不花皆附太子必  
窮究其事又譖禿堅帖木兒詆毀朝政而孛羅帖木兒與  
禿堅帖木兒友善且知其誣遣人自其非罪太子怒下詔

帖字  
見木羅  
兵向

削字羅官爵而奪其兵。字羅拒命，遂詔擴廓帖木兒討之。字羅知詔命，調遣搠思監所為非，出帝意，遂舉兵向關。太子迎戰，不利，率侍衛兵東走，與松時京師無備。城中大震，令百官吏卒分守，使人即其軍問故，以必得搠思監，朴不花為對，詔慰解之，不聽，乃執二人，昇之。遂復字羅官爵，仍守禦大同，乃引軍還。大同既而太子還宮，恚怒不已，發兵討字羅。字羅與禿堅老的沙復大舉，向關前鋒入居庸關。太子親禦敵，清河軍潰，奔冀寧。字羅遂專國。三月，太子在外，日夜謀除內難，乃大發諸路兵分三道而進。字羅大怒，自將拒戰，大敗。字羅失軍，鬱々不樂，乃日與老的沙等飲宴，荒淫無度，喜怒不測。九月，威順王之子和尚念其屢

絳州  
天鼓  
鳴

舉兵犯關，無君言于帝，受帝旨，結勇士陰圖刺之。老的沙禿堅帖木兒等皆伏誅。帝遣使，函字羅首，徙冀寧。召太子還擴廓帖木兒，遂扈從至京師。補二十六年二月，黃河北徙，自東明曹濮及濟寧，民皆被害。補夏王明玉珍卒，子昇立。補四月，明太祖兵取淮安及湖州，諸路。補十一月，宋主韓林兒卒。補二十七年正月，絳州天鼓鳴，其聲如空中戰鬪者。○九月，明兵取平江路，執吳王張士誠。補明太祖既掃除羣雄，撫有江南，乃遣大將軍徐達副將軍常遇春率兵二十五萬北伐中原。補二十八年正月，明太祖即帝位。閏七月，明師克大都，帝率后妃太子北奔上都。元凶石元自世祖至元十六年己卯，至順帝至正十七



增補元明史略卷之一  
年丁未凡十世八十九年而卒

增補元明史略卷之一

